

# *AVIA, MANARAH AHY*

Eny, tsia, talohan'ny nahaterahan'i Becky izany. Ary noho izany aho—nieritreritra aho hoe, “Eny, fantatrareo...” Izaho—nihinana varim-bazaha iray baolina fotsiny aho, folo cents ny vidiny. Eny, izaho... Nomen’izy ireo ahy ny tapakilako, dia nosoniaviko fotsiny izany, hitanareo, ary naloako izany, natolotro ilay izy, ary naveriko, satria nanana kaonty iray ho an’ny fandaniana aho.

<sup>2</sup> Ary indray andro izahay rehefa nanao ny—ny fivorian’ny mpisafio. “Oadray,” hoy izy ireo, “iza ity adala izay namerina zavatra iray tahaka an’izany ity?” Hitanareo? Ilay—ilay zalahy sefo, fantatrareo, “Folo cents ho an’ny sakaf maraina?” Noho izany dia toy ny tena mora izany ho an’ireo lehilahy sasany, fantatrareo. Ny sasany tamin’izy ireo dia namerina iray dolara, hitanareo; roa dolara ho an’ny sakaf hariva. Fa izaho namerina fotsiny marina tokoa izay naha-izy azy.

<sup>3</sup> Eny, hoy aho hoe, “Eny, ankehitriny, tsy mila mamerina aho. Inona no hataoko raha mihinana fotsiny aho, folo cents?”

<sup>4</sup> Atoa. Fields, izay mpanara-maso mpanampy, hoy izy hoe, “Billy, mamerena iray dolara, na ahoana na ahoana, farafahakeliny.” Hoy izy, “Izany no ataon’ny sisa amin’izy ireo.” Hoy izy, “Tokony hazoninao miaraka izany.”

<sup>5</sup> “Eny,” hoy aho, “izaho—tsy mihinana afa-tsy varim-bazaha iray baolina fotsiny mihitsy aho, ary izany no aloako.”

Hoy izy, “Oh, aza, aza manao an’izany mihitsy.”

<sup>6</sup> Eny, noho izany dia nieritreritra aho hoe, “Inona no hataoko amin’izany?” Avy eo dia nandoa dimampolo cents aho ho an’ny sakaf maraina. Amin’izay fotoana izay dia alaiko ny efapolo cents avy amin’izany, raha te-handany vola amin’ny zavatra iray aho, hanome an’izany ho an’ireo ankizy sasany eny an-dàlambe; ankizy sasany, fantatrareo, izay toy ny hoe mila mofo misy hena tranainy kely iray, mofo misy hena, ihany koa. Eny, nieritreritra aho fa angamba izaho dia mety... Tsara, izany ilay orinasa, izy tenany, no niresaka tamiko tahaka an’izany. Lehilahy iray avy tao amin’ilay orinasa izany.

Noho izany, dia nieritreritra aho hoe, “Nanao zavatra ratsy angamba aho.”

<sup>7</sup> Noho izany teto vao tsy ela akory izay, niaraka tamin’ny mpisafio iray... Ankehitriny dia misafio amin’ny alàlan’ny helikoptera izy ireo, hitanareo. Noho izany dia nandalo izy ary nijanona. Hoy izy hoe, “Hono ho’aho, Rahalahy Branham,” hoy izy, “mitombo io hazo io.”

Hoy aho hoe, "Hia." Hoy aho hoe, "Milalao eo ambanin'io hazo eo io ireo ankizy."

Hoy izy hoe, "Azonay rantsanana ve izy?"

Hoy aho hoe, "Hia, fa aza tapahana izy. Hitanareo?"

Hoy izy hoe, "Eny, te-hanapaka azy izahay. Haloanay aminao izany."

<sup>8</sup> Hoy aho hoe, "Tsia. Tsia. Tsy tiako hanapaka azy ianareo." Eny, izaho dia mahafantatra ny lalàna amin'ny zô ho an'ny fahazoana lâlana, ihany koa, fantatrareo, satria efa teo amin'izany aho nandrity ny fito taona. Hoy aho hoe, "Tsia." Hoy aho hoe, "Tsy tiako ho tapahana izy, fa afaka mandrantsana azy ianareo." Hoy aho hoe, "Izaho—izaho no mihazona azy ho voarantsana, fa," hoy aho, "ianareo dia afaka. Afaka mandrantsana azy ianareo raha tianareo." Hoy aho hoe, "Izaho, izaho sy Rahalahy Wood, dia efa vonona ny handrantsana azy. Izahay no mandrantsana an'ireo hafa rehetra eto ireo." Dia hoy aho hoe, "Fa tianay ny hihazona an'io eto mba ho an'ireo ankizy, Joe sy izy ireo, fantatrareo, ireo ankizy kely milalao eo ambanin'io hazo io."

<sup>9</sup> Nandeha tany amin'ny dia iray aho. Rehefa niverina aho, dia voatsofa sy voaongotra izy. Oh, ho inona ny sazy eo amin'ilay orinasa, hitanareo, nohon'ny fanapahana an'io hazo io, hitanareo. Dia nieritreritra aho hoe, "Ankehitriny," hoy aho, "Tompo, tsy hikasa an'izany akory aza aho." Hitanareo? "Raha misy zavatra iray izay izaho—izay izaho, teo amin'ity, matetika dia mamerina, mihinana an'izay sahaza ny folo cents fotsiny, nefy tsy maintsy hamerina 'dimampolo cents.'" Hitanareo? Hoy aho hoe, "Raha misy zavatra iray eo amin'izany, dia tokony hisy tambiny ilay izy, hitanareo, mba—mba izaho—mba hilazako an'izany, hitanareo. Mba izaho . . ." Ary nitsahatra tsy nanonofy intsony mikasika ny naha-tao amin'ny Public Service Company aho tamin'izany, hitanareo, satria tsy maintsy ho zavatra iray izany tany aorianana tany.

Tsy maintsy mitandrina an'izay ataontsika isika. Tsy maintsy hihaona amin'izany isika indray andro any.

<sup>10</sup> Ireo ankizy, izay tonga eto. Teto ny reninao, aninkeo, Trudy. Ataoko fa ianao dia tsy, tsy nahafantatra ianao. Karazana fahatampohana iray izany, azoko jerena. Ary vonona ny hahazo diplaoma ianao. Ary niaraka nanao an'ity dia eto ity isika. Handeha ao amin'ny favoriana iray aho ankehitriny, aorian'ity favoriana ity avy hatrany. Ary handeha hody izahay.

<sup>11</sup> Nihevitra aho fa ho anjara tsara iray ny hiresaka aminareo rehetra, ary avy eo dia nihevitra koa fa ho tsara ny hiresaka kely fotsiny amin'ireo ankizy alohan'ny fanomezana ny diplomanareo. Hamaky andininy iray avy ao amin'ny Baiboly, ary hiresaka aminareo fotsiny avy ao am-poko, mandritry ny folo minitra eo. Hiala moramora amin'ny lâlanareo aho. Hitanareo?

<sup>12</sup> Alohan'ny hiresahako amin'ireo ankizy, dia tiako fotsiny ny hiresaka amin'ireo lehibe iray minitra fotsiny, ihany koa, ianareeo rehetra. Izany ankehitriny dia, angamba, angamba ho dia mafy iray, efa izany ilay izy. Saingy ny fahatsapana izay nianarako avy tamin'Andriamanitra, dia tsy handray iray alina dolara aho ho solon'izay nianarako avy tamin'ny Tompo hatramin'izay na ha-teto ahy. Mino marina tokoa aho fa izaho dia tonga amin'ny fankatoavana feno ny didin'ny Tsitoha, ary izaho—izaho dia manantena fa afaka mijanona ho tahaka an'izany hatrany aho. Ary misy ny . . .

<sup>13</sup> Rehefa tonga aho, zavatra anankiray, dia amin'ny alàlan'ny fahitana iray, izay nitsanganako tany ambonin'i Tucson teto rehefa ny—ny—nivoaka ny fipoahana iray. Eny, tany Rahalahy Fred rehefa nivoaka izany. Ary nalain'izy ireo sary izany ankehitriny, fantatrateo, teny amin'ny lanitra. Ary tsy nieritreritra betsaka nikasika an'izany aho, tsy nahamarika an'izany mihitsy. Noho izany dia nanomboka nahatalanjona ahy izany na ahoana na ahoana, indray andro. Ary Rahalahy Norman, ny rain'i Norma eto, no niteny tamiko, nanao hoe, "Nahamarika an'ity ve ianao?"

<sup>14</sup> Ary vao njery fotsiny aho, dia teo mihitsy ireo Anjely ireo tena nazava arak'izay mety na ha-izy Azy ireo, mipetraka eo mihitsy ao amin'io sary io. Hitanareo? Nijery aho mba hahita hoe oviana ilay izy, ary izany dia tamin'ny fotoana, mitovy, teo amin'ny andro iray na roa nialoha, na andro iray na roa taorian'ny na ha-tany ahy. Nijery aho hoe taiza ilay izy. "Avaratra atsinanan'i Flagstaff, na Prescott, izay eo ambanin'i Flagstaff." Eny, teo amin'izay nisy anay mihitsy izany, hitanareo, marina tokoa.

<sup>15</sup> "Enina amby roapololo maily ny haavony." Nahoana, ny entona dia tsy afaka handeha mihoatra—mihoatra ny efatra, efatra maily ny haavony, na dimy, ny hamandoana, ny karazana zavona rehetra na zavatra iray, hitanareo. Ireo fiaramanidina dia manidina any amin'ny sivy arivo sy iray alina. Izany dia mba hiakarana any ambonin'ny rahona rehetra, hitanareo. Ary ny sivy arivo sy iray alina dia eo amin'ny efatra maily ny haavony. Ity dia enina amby roapololo maily ny haavony, ary telopolo maily ny velarany, ary tao amin'ny endrika pyramida, raha efa njery an'ilay sary ianareo.

<sup>16</sup> Ary eo amin'ny ilany ankavanana, araka ny noteneniko taminareo, dia nahamarika aho, mahagaga, an'io Anjely io. Io Izy, mibontsina ny tratra, ny elatra any aorianana, niditra avy hatrany, arak'izay na ha-izy azy marina tokoa. Tsy nahamarika an'izany mihitsy aho tamin'Izy ireo voalohany . . . Nisy zavatra marobe.

<sup>17</sup> Nandeha teny amin'ny lâlana fotsiny aho indray andro, dia nisy zavatra nitranga izay niteny tamiko mikasika an'ilay

zavatra izay izaho—tsy maintsy hataoko. Ary izany dia—tsy izany no hafatro.

<sup>18</sup> Indray mandeha, dia nilaza i Leo Mercier, nanao hoe, “Rahalahy Branham, ho tonga ny fotoana aorian’ity,” hoy izy . . . teo amin’ny dimy na enin-taona lasa teo izay, fito angamba, nanao hoe, “hanova ny asam-panompoanao ny Tompo, Rahalahy Branham.” Dia hoy izy, “Rehefa manova Izy, dia handahatra an’ireo hopitaly fotsiny angamba ianao, ka hiteny amin’izy ireo mba hiala amin’ireo—ireo fandriana sy ny sisa.” Tsy dia maneno tsara izany, na dia mino aza aho fa niezaka ny ho tso-po mikasika an’izany Rahalahy Leo.

<sup>19</sup> Fa tsy naneno tsara fotsiny izany, satria, hitanareo, tsy nanao an’izany mihitsy Jesosy Tomponsika. Hitanareo? Fa niditra tao amin’ireo hopitaly Izy. Nisy anankiray tao amin’io hopitaly io. Tsaroanareo ve hoe aiza no misy an’izany ao amin’ny Baiboly? Ny farihin’i Betesda. Nandry teo ny habetsahana lehibe an’ireo olona tsy afa-mihetsika, mandringa, malemy, jamba, maty-ila, niandry an’ilay Anjely. Ankehitriny, izany no hopitaly ara-panahy iray izay niandrasan’ny olona ny fanasitrana avy amin’Andriamanitra. Ary indro ilay Mpanasitrana avy amin’Andriamanitra Izy tenany fa tonga ary nanasitrana anankiray dia lasa. Noho izany dia tsy afaka manantena olona mety maty iray ianareo, na asam-panompoana iray hiseho, ho lehibe kokoa noho io. Hitanareo? Tsy afaka hifanaraka amin’izany aho.

<sup>20</sup> Fa rehefa nanomboka nitodika aho, dia tonga tamiko ny Fanahy Masina. Nangataka penina iray tamin’i Leo aho. Nanana singan-taratasy iray aho, ary nosoratako izany. Ao amin’ny fiara-tarihiny izany androany, raha mba ho any amin’izay misy azy ianareo. Izany dia ilay fiara-tarihina tranainy alimo izay nametrahako ny fitaovam-piasako. Vao miditra ny varavarana fotsiny ianareo, dia misy talantalana iray eo amin’ny ilany ankavanana, eo anoloan’ilay fiara-tarihina mihitsy. Mipetraka eo ambany eo izany. Izaho no nametraka azy tao. Hoy aho, “Azonao avoaka io indray andro any. ‘Tsy hanova an’ilay asam-panompoana mihitsy Andriamanitra, fa hanova an’ilay olona miaraka amin’ny asam-panompoana Izy.’” Izany no tsy maintsy vita.

<sup>21</sup> Hitanareo, izaho—fantattro izay tokony hataoko, saingy izaho—izaho—izaho dia tsy afaka, tsy afaka manao an’izany ao amin’ny toerana izay misy ahy ankehitriny aho. Satria, izaho dia tsy maintsy . . . Misy zavatra tokony hitranga ato anatiko, izay hila an’Andriamanitra hanao an’izany.

<sup>22</sup> Mikasa ny hiverina hody izahay. Manimanina ireo ankizy, te-hiverina izy rehetra. Noho izany dia mihevitra aho ny hitondra azy ireo hiverina, raha sitraky ny Tompo, aorian’ny fotoana amin’ny Sabotsy angamba, ary noho izany dia hiverina. Avy

eo, dia tsy fantattro. Saingy fantattro fa vantany vao mitranga ato anatiko io zavatra io, hanao ahy hahatsapa eo amin'ny olona, hafa noho izay atako ankehitriny. Efa nolaviko ireo—ireo olona, hitanareo, ary izaho—tsy te-hanao na inona na inona tamin'izy ireo intsony aho. Fantatrareo izay tiako lazaina, izay antsoiko hoe “ricky, ricketta,” nanana an’ireo zavatra izay nataony izy ireo. Nitoky teny tamin’ny fahatsoram-po rehetra aho, ary Andriamanitra no nanamarina an’izany tamin’ny fomba rehetra. “Fa raha tsy te-hino an’Izany izy ireo, nahoana, dia avelao izy ireo hipetraka tsara raha izany.”

<sup>23</sup> Saika handeha ho any aho, hihona amin’i Bud amin’ity fararano ity, hanomboka hikarakara fitaovana any. Hiandry any an-efitra, hamela ny voloko sy ny volombavako haniry. Ary raha tian’ny Tompo ny handehanako na aiza na aiza, dia handefa teny iray ho ahy Izy, ary handeha aho ka hanao an’izany.

<sup>24</sup> Ary teny an-dàlana, tonga aho indray andro, dia Najanony aho. Ary hitako izay nisy ny...izay nahatongavako. Izaho dia—teo amin’ny lâlako nankany amin’ny zavatra hafa aho ankehitriny. Ary nieritreritra aho, fa rehefa tonga any antranoo aho, dia hanao an’ilay antsointsika hoe firesahana avy amin’ny fo mankany amin’ny fo, angamba hanao an’izany eo amin’ny horonam-peo, ka amin’izay fotoana izay dia ho hitan’ny besinimaro ny anton’ilay fiovana tampoka.

<sup>25</sup> Ankehitriny, ianareo ankizy, ndao fotsiny isika . . . Ndao isika hanao tonom-bavaka kely iray fotsiny.

<sup>26</sup> Tompo Jesosy, mankasitraka an’ity fotoana ity izahay, mahafantatra fa tafavory eto izahay, ny tanora sy antitra, ary ny taona antenantenany. Ary mivory izahay, amin’ity ilan’ny Mandrakizay ity, indray mandeha mba hiresaka ny Aminao sy ny amin’ireo zavatra izay mikasika ny Fiainana mandrakizay.

<sup>27</sup> Ary ireto tanora izay mipetraka eto ireto izao hariva izao, ny sasany amin’izy ireo dia hahazo diplaoma, ny sasany efa nahazo diplaoma. Saingy fantattro, Tompo, fa ny zavatra izay nitranga ora vitsy fotsiny talohan’ilay fandonana lehibe, na fipoahana lehibe, dia niseho tao amin’ilay tendrombohitra tany, avaratr’i Tucson, rehefa nidina ireo Anjelin’ny Tompo. Tsaroako izay voalaza, ary—ary indrindra ny mikasika ny olona tanora. Mivavaka Aminao aho, Tompo, mba hanampy anay hahazo. Ary enga anie aho mba afaka hilaza zavatra amin’ireto vahoaka tanora ireto, izao hariva izao, izay hanampy azy ireo mandritry ny diany. Satria, Tompo, mila an’izany fanampiana izany izahay rehetra amin’ity fotoana ity.

<sup>28</sup> Tahio miaraka izahay. Mamelà ny fahotanay. Ary raha nisy zavatra izay nataonay hatramin’ny naha-teto anay, ka tsy nahafaly Anao, dia mivavaka izahay mba Hamelanao anay ny amin’izany. Satria fantatray, androany, fa izahay dia tsy manana ny—ny antoka ny amin’ny ampitso. Tsy fantatray izay

ho entin'ny ampitso. Tsy maintsy miomana izahay androany hihaona amin'ny ampitso. Ary, Andriamanitra Ray, fomba tokana ihany no fantatray hanaovana an'izany, izany dia, ny miomana hahita Anao, satria atsy ho atsy dia fantatray fa hanao an'izany izahay rehetra. Ary tsy maintsy hihaona amin'izany izahay indray andro any, na amin'ny fiadanana, amin'ny maha-sakaiza iray na ankizy, na amin'ny maha-fahavalo iray. Ho lavitra anay anie, Tompo, ny ho zavatra hafa afa-tsy ny ho Zanakao malalanao Manokana. Ekeo ireo zavatra izay angatahanan ireo, amin'ny Anaran'i Jesosy. Amena.

<sup>29</sup> Androany, raha teo am-pikapana ahitra aho, tena aloha be aninkeo maraina, dia nahita toerana iray tao amin'ny Baiboly, izay heveriko fa ho zavatra tsara iray ho vakiana amin'ity fotoana ity. Ary izany dia ny... mety tsy dia tena mifantana tsara loatra, saingy nieritreritra fotsiny aho mandritry... vitsy fotsiny—minitra vitsy fotsiny, ny hiresaka. Tiako ny hamaky an'ity avy ao amin'ny toko faha-18-n'ny Masindahy Lioka ity. Ny mpanoratra ny Filazantsara efatra rehetra dia nanoratra azy. Ny toko faha-18 ary ny andininy faha-18.

*Ary nanontany azy ny mpanapaka anankiray, nanao hoe, Mpampianatra Tsara, inona no hataoko handovako fiainana mandrakizay?*

*Dia hoy Jesosy taminy, Nahoana aho no antsoinao hoe tsara? tsy misy tsara, afa-tsy iray, izany dia, Andriamanitra.*

*Fantatrao ireo didy hoe, Aza mijangajanga, Aza mamono olona, Aza mangalatra, Aza mety ho vavolombelona mandainga, Manaja ny rainao sy... ny reninao.*

*Dia... hoy izy, Izany rehetra izany dia efa nataoko, ary notandremako ireo hatramin'ny fahazazako.*

*Ankehitriny rehefa nandre an'ireo zavatra ireo Jesosy, dia hoy izy taminy hoe, Kanefa mbola diso zavatra anankiray ianao: amadio ny rehetra... izay anananao, ka zarao ho an'ny malahelo,... ianao dia banana rakitra any an-danitra:... avia, manaraha ahy.*

<sup>30</sup> Heveriko fa, ilay teny, *Avia, Manaraha Ahy*, no ho toro-hevitra tsara indrindra izay azoko homena raha hiresaka amin'ny ankizy iray alina aho, na raha hiresaka fotsiny amin'izay hiresahako. Didy iray izany, ary zavatra lehibe indrindra izay heveriko fa hany natolotra ny olona rehetra, ary indrindra ny olona tanora iray, "Manaraha Ahy."

<sup>31</sup> Tsy maintsy manaraka olona iray ianareo. Ankehitriny, ianareo fotsiny... Afaka mahatsiaro fotsiny an'izany ianareo. Tsy maintsy manaraka olona iray ianareo. Ary ny fomba hanarahanareo an'ilay olona, dia aoka banana antoka hoe, iza io olona arahanareo io. Hitanareo? Isika...

<sup>32</sup> Hoy i Paoly indray mandeha hoe, “Aoka hanaraka ahy tahaka ny anarahako an’i Kristy.” Amin’ny teny hafa dia hoe, “Tahaka ny anarahako fotsiny an’i Kristy, no aoka hanarahanareo ahy.”

<sup>33</sup> Ary ankehitriny, eo amin’ity toeram-pihodinana ity, ity—ity dingam-piajinana izay ahatongavantsika rehetra ity. Ary efa nandre ahy matetika ianareo nivazavaza hoe “ricky, ricketta,” sy ny sisa. Izany, izany dia ilay taona. Ilay taona izay iainantsika izany. Tsy dia tena ireo olona ireo loatra ilay izy.

<sup>34</sup> Olona tahaka antsika ihany ireo olona ireo. Ireo ankizy eto ireo izay miaraka amin’ny fiara haingam-pandeha, mandeha mandroso-sy-miverina eny an-dàlambe, ary manao hadalana amin’ny fomba maha-izy azy ireo, mifoka sigara sy misotro alikaola, ary ireo zazavavy miakanjo tsy maotina, sy ny sisa, izy ireo dia zazavavy sy zazalahy tahaka antsika. Hitanareo? Olombelona izy ireo. Mitia izy ireo. Mihinana izy ireo. Misotro izy ireo. Matory izy ireo. Miaina izy ireo. Tsy maintsy ho faty izy ireo. Olona tahaka antsika fotsiny izy ireo. Kanefa izy ireo dia efa . . .

<sup>35</sup> Azon’ny fanahy ratsy iray izy ireo. Tsy fantatr’izy ireo izany. Tsy noho ireo—ireo olona, fa satria, matetika, dia mpitarika iray narahany no nitarika azy ireo tao amin’ilay lâlan-dratsy.

<sup>36</sup> Ankehitriny, mahafantatra tsaratsara kokoa noho izany ianareo zazavavy sy zazalahy. Fantatrareo. Nampianarina tsaratsara kokoa noho izany ianareo. Manana raiamandreny tsaratsara kokoa ianareo, fiofanana tsaratsara kokoa nohon’ny manao zavatra iray tahaka an’izany. Mahafantatra tsaratsara kokoa ianareo.

<sup>37</sup> Fa izy ireo tsy mahafantatra, hitanareo, satria ireo fiangonana izay andehanan’izy ireo dia fiangonana moderina, mpanaraka toetr’andro. Ary izy ireo—izy ireo dia miaina fotsiny ho an’ilay andro, malaza kokoa. Ary, oh, oadray! Inona ny . . . Lasa fahatsaran-toetra manokana ny fitondran-tena ho azy ireo. Hitanareo? Noho izany izy ireo, inona . . . Araka ny nolazaiko indray mandeha, tao amin’ny sarimihetsika iray izay nojereko teto, vao tsy ela akory izay, ny amin’i Sodoma sy Gomora, hoe io vehivavy azon’ny fanahy ratsy io dia nilaza tamin’i—tamin’i Lota hoe, “Izay antsoinao hoe tsy maotina, no antsoiko hoe fahatsaran-toetra.”

<sup>38</sup> Hoy Jesosy hoe, “Tahaka ny tamin’ny andron’i Noa, dia ho toy izany koa amin’ny fihavian’ny Zanak’olona.” Noho izany dia miverina mankany amin’izany toerana izany indray isika.

<sup>39</sup> Ndaosy hijery an’ity lehilahy ity, mandrity ny minitratr’i vitsy, izay novakiantsika ny aminy. Tsy isalasalana fa ity ankizy ity dia teraka tao amin’ny tokantrano tsara iray, tahaka anareo ankizy. Notezain’ny raiamandreny tsara izy. Satria, izany no nanaporofa an’ilay izy, rehefa natolotri’i Jesosy taminy ireo didin’Andriamanitra. Hoy izy hoe, “Efa

notandremako hatramin'ny fahazaza ireo.” Izany no maneho fa izy dia, efa notezaina izy. Efa notezaina tsara izy. Tsy hoe mpivenjiveny iray fotsiny izy. Ary fantatrareo, izy—efa notezaina mba hahafantatra izay marina izy, ankizy tahaka anareo rehetra. Angamba tonga teo ambanin’ny reny sy dada matahotra an’Andriamanitra, mba—mba—mba hampianatra azy tsara, fony izy mbola ankizy iray. Eny, tsara izany.

<sup>40</sup> Angamba, raha mbola zaza kely iray, dia nanana faniriana avo mikasika azy ny reniny ho lasa lehilahy malaza iray indray andro any. Be vola ny rainy, ka afaka nampianatra azy sy—sy hanome azy fanabeazana iray izay vitany. Nivoaka niaraka tamin’ny fianarana tsara iray izy ary afaka ny ho zavatra iray teto amin’izao tontolo izao. Ary tamin’ny fahatsorampon’io reny sy dada io, no nampianarana an’ity ankizy ity, ary angamba tonga teo amin’ny fotoana’ny fahazoana diplaoma tahaka anareo, hitanareo, tamin’ny fotoana izay nahavitany fianarana sy nananany ny fanabeazany. Tsy isalasalana fa izy angamba no rehareha sy fifalian’io—an’ny fiainan’io reny sy dada io. Tsy isalasalana, tamin’ireo andro ireo, fa nanana soavalys tsara tarehy izy, tahaka anareo manana fiara, ary dada sy reny tsara tahaka ny anananareo rehetra, izay mikarakara an’izany, manana akanjo tsara ianareo, ary—ary fiara iray, ka afaka... ary mifaly amin’ny fiainana fotsiny, zavatra iray tahaka ny anananareo amin’izao andro izao fotsiny.

<sup>41</sup> Ary ilay ray sy reny niaraka tamin’ny... nivavaka tsy ankitsahatra mba—mba tsy hahatonga ny zanany ho lasa lehilahy tsotra iray fotsiny, fa mba ho lehilahy miavaka anankiray. Ny raiamandreny rehetra dia mila an’izany. Efa nandre an’i Jesosy nanondro an’io didy io ve ianareo hoe, “Manajà ny rainao sy ny reninao,” avy eo dia nijanona? Hitanareo? Ary izany no fanirian’ny raiamandreny rehetra, ny hanao ny tsara indrindra ho an’ireo zanany, mba hahafahan’izy ireo, hampianatra azy ireny, hanome azy ireny an’ireo zavatra izay tsy mety ho azon’izy ireny angamba. Tahaka an’izany no tsapako mikasika an’ireo zanako.

<sup>42</sup> Mieritreritra aho, indraindray, amin’ny fandehanana any antsekoly, ankehitriny; mieritreritra aho hoe, handefa an’i Becky sy Sarah ary Joseph any amin’ireo sekoly ambony sy ny sisa, izay misy an’io mandeha ho azy io ve? Mieritreritra aho fa halaiko izy ireo ary entiko hiverina any an-tendrombohitra, ka—ka hitaiza azy ireo any miaraka amin’ny... tahaka ny iainan’ireo Indiana.

<sup>43</sup> Fa ity ilay izy. Izay ao anatin’ilay ankizy no hivoaka. Tsy mampaninona na aiza ilay izy, izany dia tsy maintsy, tsy maintsy hivoaka izany. Raha ratsy ny ao, dia izany no hivoaka ao amin’ilay toby Indiana. Raha tsara ny ao, dia izany no hivoaka ao amin’ny toby rehetra. Hitanareo? Ilay izy dia izay ao anatin’ilay ankizy, ilay nanaovana an’ilay ankizy, izay ao amin’ilay anatinareo. Ary izay maha-izy anareo ankehitriny no

haha-izy anareo angamba amin'ny andronareo sisa. Eo amin'ny dingan'ny fiovana iray ianareo.

<sup>44</sup> Mba fantatrateo moa? Ny enina amby valopolo isan-jaton'ny fiovam-po ho amin'i Jesosy Kristy dia efa vita alohan'ny iraika amby roapolo taona. Izany no maneho an'ilay izy. Ireo antontan'isa no maneho an'izany. Ny enina amby valopolo isan-jaton'izay nanatona an'i Kristy, dia nanatona alohan'ny nahiraika amby roapolo taona azy ireo. Ianareo, rehefa avy nandalo an'io taona io ianareo, dia lasa voalasitra kokoa na voapetraka ao amin'ny lalanareo. Oh, mety misy izany, azo antoka. Izy ireo dia manatona, fitopolo, valopolo, taona, saingy tena mahalana izany. Hitanareo?

<sup>45</sup> Manamboatra ny tenanareo ianareo raha mbola tanora. Mametraka ny fanirianareo eo amin'izay tianareo hatao ianareo, sy izay ezahanareo ho tanterahana eo amin'ny fiainana. Mieritreritra an'izany ianareo. Ary raha mieritreritra ianareo, mazava ho azy, ny fisainanareo, izany dia voatolotra ao an-tsainareo tamin'ny alàlan'ny zavatra tsy fantatra iray izay-izay mifehy ny sainareo. Ary avy eo rehefa lasa ao an-tsainareo izany, amin'izay fotoana izay dia miteny an'ilay izy ianareo, hoe hataonareo izany. Ary amin'izay fotoana izay dia ireo fanirianareo no mitarika anareo mankany amin'ilay izy.

<sup>46</sup> Noho izany, ilay reny sy ray, dia nanantena an'ity tovolahy ity ho...ireo faniriany ho lasa lehibe; vola betsaka hanatanterahina an'izany. Ary avy eo, tsy isalasalana, fa nivavaka mba ity—hahafahan'ity zazalahy tanora ity—hahafahany hanana an'izany fanararaotra izany. Hitanareo, izy ireo—nanao ny rehetra izay azony natao izy ireo. Nanana soavalys tsara tarehy angamba izy, ary—ary angamba tena nalaza teo anivon'ireo vehivavy.

<sup>47</sup> Ary izay mety hihatra amin'ny lehilahy, dia mety hihatra amin'ny vehivavy, mifamadika, hitanareo, satria miresaka mikasika ny fiainan'olombelona isika, ireo fanahy, ireo lehilahy sy vehivavy.

<sup>48</sup> Ary avy eo, taorian'io fanararaotra rehetra izay nananan'ilay zazalahy io, hitanareo, dia lasa teo amin'ny "làlambe mora" izy, izany no iantsoantsika azy, teo amin'ny toerana iray izay tsy nilàny niahayah be loatra. Nanam-bola ireo raiamandreniny. Izy dia nanana...Izy dia tena...Lasa mpanapaka iray izy. Manondro an'izany ny Baiboly eto, ny amin'ny...ho ilay tanora, tanora mpanapaka manan-karena. Ary hitantsika ny.... Teo amin'ny taona tanora iray, angamba tao amin'ny taona adolantsentony, vao avy tao an-tsekoly mihitsy, vao avy tao amin'ny fahazoana diploma mihitsy, angamba, herinandro vitsy mialoha, na tahaka an'izany, dia lasa izy...Mpanapaka iray izy, ary nahazo an'izay rehetra azon'ny fo niriana.

<sup>49</sup> Ary tsy ricky moderina ilay zazalahy. Ankizy tsara iray izy. Mino aho, rehefa nanoratra mikasika an'izany i Lioka, na Marka, mino aho fa izay ilay izy, dia njery azy Jesosy ka nisento, satria tia azy Izy. Hitanareo? Misy zavatra iray mikasika an'ilay ankizy. Nisy maha-olona tsara iray niraikitra tamin'ity ankizy ity. Avy taiza izy? Avy tamin'ny fianakaviana tsara iray izay nampianatra azy an'ireo didin'Andriamanitra, ary njery mba hitandremany azy ireo. Ary nataony izany, hatramin'ny fahazazany.

<sup>50</sup> Ary nanana faniriana iray ilay zazalahy; nila Fiainana Mandrakizay izy. Hoy izy hoe, “Mpampianatra Tsara, inona no azoko hatao handovako Fiainana Mandrakizay?”

<sup>51</sup> Hitanareo, avy amin'izay rehetra azonareo eto amin'izao tontolo izao, kanefa ilay fanahy ao anatinareo dia milaza fa nisy zavatra iray izay ilainareo, izay tsy anananareo. Amin'ny alalan'ny harena fotsiny... Na, tsy voatery ho harena foana ilay izy. Izany dia mety, zazavavy malaza, tsara tarehy iray, nahazo ny hatsaran-tarehiny izay azony eritreretina izy. Angamba tena malaza izy ao an-tsekoly. Angamba afaka mahazo ny zazavavy rehetra izay tiandy ilay zazalahy. Tsapany fa karazan'ny voaaro izy. Tsy izany no fiarovana. Halazo tahaka ny voninkazo eny an-tsaha fotsiny izany. Hitanareo? Ho lasa izany. Tsy haharitra ela izany. Fihodinana vitsy an'ny masoandro fotsiny, dia lasa izany, avy eo dia manana fanahy iray izay tokony ho velona Mandrakizay ianareo.

<sup>52</sup> Ary ity ankizy tanora ity dia tsy maintsy nanana ny maha-olona tsara iray, satria nitondra ny tenany teo amin'ny Tompo Jesosy izy, fantatra fa niankohoka tamin'ny lohaliny izy. Hoy izy hoe, “Mpampianatra Tsara, inona no azoko hatao hahazoako Fiainana Mandrakizay?”

<sup>53</sup> Hoy Izy hoe, “Nahoana ianao no miantsy ahy hoe tsara,” hoy Izy, “nefa fantatrao fa Anankiray ihany no tsara, ary Andriamanitra izany?” Hitanareo? Inona no nasehon'ilay tovolahy tao amin'io? Hoe Andriamanitra Izy. Hitanareo? Hoy Izy hoe, “Fantatrao ireo didy. Tandremo izy ireny.”

Hoy izy, noho izany dia hoy izy hoe, “Didy inona, Mpampianatra?”

<sup>54</sup> Hoy Izy hoe, “Ireo didy hoe ‘manajà ny rainao sy ny reninao,’ sy ny sisa.”

<sup>55</sup> Hoy izy hoe, “Efa vitako izany, hatramin'ny fahazazako. Hitanao, efa nataoko izany.”

<sup>56</sup> Hoy Izy hoe, “Diso zavatra anankiray ianao. Mandehana, amidio izay anananao, ka zarao amin'ny malahelo, ary manaraha Ahy.”

<sup>57</sup> Fanararaotra iray toy ny inona! Nety ho Petera izany, Jakoba, na Jaona, ny iray tamin'izy ireo. Hitanareo, efa nofanina

ilay ankizy ary notezaina tsara, ary voatolotra an'i Kristy, mba hampiasa azy. Ary ireo enti-manana rehetra izay nananany tao aminy, mba hampiasaina, angamba nianatra, tanora, manan-karena, fitaomana, teo amin'izay azony nanolorana ny Filazantsara, kanefa dia nandà an'Izany. Inona ny—zavatra iray tsy voahevitra toy ny inona izany ho an'ity tovolahy ity! Hitanareo?

<sup>58</sup> “Manaraha ahy.” Ankehitriny, hitanareo, tsy maintsy nanaraka olona iray izy. Ankehitriny, izy dia tsy maintsy nanaraka na ny fitaoman’ny olona izay nikambanany, ny fitaoman’ny ramatoa tanora iray, ny fitarihan’ny andian-jazalahy iray izay nikambanany, ireo mpiara-mianatra taminy tany an-tsekoly, na hanaraka an'i Jesosy Kristy. Tao amin’ny fahatsarany rehetra, kanefa dia fantany fa tsy nanana Fiainana Mandrakizay izy.

Rankizy, izany no tokony ho eritreretinareo. Hitanareo?

<sup>59</sup> Ankehitriny dia jereo ilay zazalahy izao hariva izao, izay nety na ha-izy azy, dia izany no maha-izy azy, izany no maha-izy azy izao hariva izao. Any ho any izy. Lehilahy iray izy. Any ho any izy. Miandry ny Fitsarana izy. Miandry mba hiatrika ny Fitsarana izy amin’io Andro io, nandà an'ilay fanararaotra iray ihany izay atolotra anareo ankizy, saiky eo ambanin'ilay fisehon-javatra iray ihany; ankizy tsara, maha-olona tsara, ray sy reny tsara, izay anananareo, tsy mila miasa akory aza raha tsy hoe ilainareo. Hitanareo?

<sup>60</sup> Fa misy zavatra hafa iray izay mandeha miaraka amin'izany. Misy zavatra iray mandeha miaraka amin'izany. Ity Teny ity, izao hariva izao, dia tsy maty mihitsy. Mbola fihaikana iray foana ho an'ny lehilahy tanora rehetra Izy, vehivavy tanora rehetra hoe, “Manaraha ahy.” Hitanareo?

<sup>61</sup> Tsy maty ireo Teny. Na oviana na oviana hitenenanareo zavatra iray, dia tsarovy fotsiny, na ao anatin’ny fiaranao ao amin’ny mafina izany, na eo amin’ny polipitra izany, na eny amin’ny zoron’ny lâlambe miaraka amin’ny sakaizalahinareo na sakaizavavinareo izany, na aiza na aiza ilay izy, dia tsy maty mihitsy izany. Izany dia—tsy maintsy velona mandrakizay izany.

<sup>62</sup> Rehefa nahita an'io zazavavy io aho izay izaho...indray hariva tao amin’ny fahitana, tovovavy kely tsara tarehy, mpilalao tantaran’i Hollywood, ka nahita azy teo am-pahafatesana aho, nanatsotra tânana, niezaka hiantso vonjy. Maty tao amin’ny aretim-po iray izy, Ramatoakely Monroe. Ary noho izany dia efa roa taona lasa izany, ary nahita azy teo am-pahafatesana aho. Ary roa andro taty aoriania dia maty izy.

<sup>63</sup> Avy eo, indray hariva, dia nandre ny feon’io zazavavy io aho. Ahoana? Niteny tamiko ireo ankizy hoe, “Dada, ianao dia mandeha mankany amin'ilay River Of No Return, foana.” Hoy izy ireo, “Manana sarimihetsika iray tahaka an'izany izy ireo

mandeha, izao hariva izao.” Niteny tamiko izy ireo hariva iray izay handehanan’izany, herinandro iray na roa nialohan’ilay fotoana. Nieritreritra aho hoe, “Eny, te-hijery an’izany aho, satria efa tany amin’io renirano io aho, indroa na intelo; teo amin’ny indimy teo, neveriko.” Eny, izaho—te-hijery an’ilay izy aho.

<sup>64</sup> Ary Ramatoakely Marilyn Monroe no nilalao an’izany. Eny, io ilay zazavavy izay hitako tao amin’ny fahitana. Nefa teo izy, tao amin’ny sary, sy ireo hetsika, ilay tena hetsika izay nataony mihitsy teo amin’ny The River Of No Return, rehefa naka an’ilay sary izy, angamba dimy ambin’ny folo taona lasa izay. Sary tranainy iray ilay izy, angamba roapolo taona lasa izay. Ary efa roa taona no nahafatesany. Nefa dia io indray izy, velona, ny hetsika rehetra sy ny teny rehetra. Hitanareo? Tena mbola voatahiry tao anatin’ny horonam-peo foana ilay izy hany ka velona indray izany.

<sup>65</sup> Tsy izany ihany, fa ny zavatra rehetra izay lazaintsika dia velona. Tsy mety maty ny teny rehetra izay tenenintsika. Teny no tonga manerana ny efitra ankehitriny, endrik’olona. Ny televiziona no maka an’izany. Afaka miteny mihitsy ianareo eto, dia mandre anareo izy ireo eran’izao tontolo izao, amin’ilay segondra iray ihany. Alohan’ny ahafahanareo mandre an’izany ato amin’ity efitra ity mihitsy aza, dia mandeha eran’izao tontolo izao izany, amin’ny alàlan’ny elektronika.

<sup>66</sup> Ary maka an’izany ny fitaratra fijeren’Andriamanitra lehibe. Ka ny hetsika rehetra sy ny fihetsika rehetra izay ataonareo, dia tsy maintsy hihaona amin’izany ianareo any amin’ny Fitsarana. Hitanareo? Noho izany, ry sakaza tanora, zavatra tsara iray ny mijanona, mieritreritra ny amin’ireo zavatra ireo, hitanareo, satria hihaona amin’izany indray ianareo. Hitanareo?

<sup>67</sup> Ndao isika hanaraka an’ity tovolahy ity, ilay fanararaotra izay nananany, ka hametraka ny tenanareo ao amin’ny toerany. Ary ny zazavavy iray, tena tahaka an’i Becky sy Marilyn mihitsy, tena tahaka anareo mitsangana ao amin’ny toerany mihitsy, ka afaka mandre an’io Feo izay mbola velona foana io ianareo.

<sup>68</sup> Mbola velona foana Izany. Mbola mihetsika foana Izany. Hoy ny siansa hoe, “Afaka roapolo taona ankehitriny, dia haka Ny Feony ara-bakiteny izay Noteneniny izy ireo, roa arivo taona lasa izao.” Mbola velona foana Izany. Tahaka ny vatomilonjy iray latsaka ao anatin’ny ranomasimbe, tsy mitsahatra mihitsy ireo onja. Mandeha mankeny amin’ny morona izany, an’arivony maily, dia miverina indray.

<sup>69</sup> Vantany vao voateny mankeny amin’ny rivotra tahaka an’izany ny feo iray, dia tsy maty mihitsy. Tsy hisy na inona na inona azonareo ho lazaina ao amin’ny Fitsarana. Eo mihitsy izany. Hisy ny Feon’i Jesosy Kristy nanasa an’io tovolahy io hoe, “Manaraha Ahy,” sy izy nandà, eo amin’ilay fitaratra fijerenena,

malahelo, satria nanana fananana be izy. Hitanareo? Isika aza tsy mety ho . . . Tsy voatery ho vola foana. Mety ho zavatra hafa ilay izy. Hitanareo? Ny zavatra rehetra izay hazonintsika ho malala kokoa nohon'ny anaovantsika an'io antso io, hitanareo, dia lasa tahaka ny vola iray amintsika. Lasa zavatra iray izay manimba antsika izany.

<sup>70</sup> Ndao isika ankehitriny hanaraka azy kely fotsiny. Inona no nitranga rehefa nandà izy? Tsy nihaino an'io Feon'i Kristy io izy. Nandeha niaraka tamin'ireo sakaizany izy.

<sup>71</sup> Fa, ianareo ankizy, ankizy tsara ianareo rehetra, ary natao hanana sakaiza ianareo, saingy tandremo hoe karazana sakaiza inona no anananareo. Raha manaraka an'i Kristy io sakaiza io, dia mandehana miaraka amin'io sakaiza io. Manaraha an'i Kristy, ihany koa. Fa raha tsy izany ilay izy, dia aza manao an'izany.

<sup>72</sup> Ndao isika hijery azy. Hitantsika fa, nihazona an'ireo sakaizany angamba izy. Lasa mpanapaka malaza iray izy. Mpanapaka iray izy tamin'izany. Taty aoriana, dia hitantsika izy fa tena nambinina hany izy—izy—izy ka voatery nanorina sompitra fanampiny mba hametrahana ny entany. Ary avy eo dia nilaza tamin'ny tenany izy, rehefa niha-antitra, ka lasa ireo fiahian'ny fiainana tanora sy ny sisa, dia ny hany nataony, angamba, dia fialam-boly.

<sup>73</sup> Rehefa ny lehilahy antitra iray na vehivavy antitra iray, tahaka ahy, ny vadiko, ianareo reny sy dada, dia saiky tsy misy na inona na inona izay azon'izy ireo eritreretina. Izy ireo dia tsy afaka, tsy te-hivoaka ka—ka handeha mandroso-sy-miverina eny an-dàlambe, fantatrareo, tahaka—tahaka ny hataon'ireo lehilahy tanora, sy vehivavy tanora. Ireo fifamotoana, sy hoe iza no ho vadinareo vavy na ny vadinareo lahy, na, hitanareo, tsy manana an'izany ao an-tsainy izy ireo. Izy ireo, nanan-janaka izy ireo, liana izy ireo. Ho izany ianareo rehetra, rahampitso, raha misy ampitso iray. Hitanareo?

<sup>74</sup> Dia jereo ilay lehilahy, tamin'izany, angamba niaraka . . . Angamba tsy nanambady mihitsy akory aza izy. Ary, na ahoana na ahoana, dia mpanapaka malaza iray izy. Ary izy nipetraka teo ambonin'ny . . .

<sup>75</sup> Fa tahaka an'izany ilay izy ao Jerosalema, mbola, amin'izao andro izao, eny an-tampon-trano izy ireo no mihinana, amin'io fotoan'andro io, rehefa mangatsiatsiaka ny andro, amin'ny hariva.

Ary mahita olon-kafa iray isika azo sary miaraka aminy: mpangataka iray.

<sup>76</sup> Ary ilay lehilahy, rehefa avy notezaina mba—mba hanaja ny mpiara-monina, sy hanao amin'ny hafa an'izay ataon'ny hafa aminareo. Hitanareo, tamin'ny fandàvana an'io antson'i Kristy io, farany . . . Toy ny hoe, ny zazalahy anankiray notezaina

tao amin'ny tokantrano iray tahaka an'izany, dia tsy tokony hanalavitra azy mihitsy izany, saingy izany ilay izy. Izany ilay izy.

<sup>77</sup> Ary nandry teo amin'ny vavahady ny lehilahy iray, tamin'ny anarana hoe Lazarosy, nangataka sakafo taminy, fa tsy nisy vokany. Te-hihinana an'ireo potipotiny izay natsipiny izy, tsy ho an'ilay mpangataka akory aza izany, fa ho an'ireo alika. Ary feno vay izy. Saingy efa tena namiratra loatra ilay lehilahy tao amin'ny fiaraha-monina, noho izany, dia tsy nanana fihetseham-po intsony izy. Lasa ngoly izy, satria nandà an'io fanoloran'i Kristy io.

<sup>78</sup> Ary indray hariva angamba, tamin'ity fotoana ity, dia nanao ny fifandonam-bera niaraka tamin'ireo divay tsara, sy an'ireo vehivavy maha-te-ho tia, niravaka, nanodidina azy, sy ireo zavatra tahaka an'izany, niaraka tamin'izay rehetra azon'ny fony niriana, dia nifandona vera. Nandry teo amin'ny vavahady ny mpangataka iray.

<sup>79</sup> Fa talohan'ny nipozahan'ny misandratr'andro, ny ampitso maraina, dia tany amin'ny helo izy, niantsoantso an'i Lazarosy mba ho avy hametraka rano teo amin'ny lelany. Ilay fiovan'ny sehatra.

<sup>80</sup> Ary voamarikareo, rehefa hoy izy hoe, "Abrahama Ray," ankehitriny, dia mbola nahatsiaro foana izy fa Abrahama no rain'ireo Jiosy. Hoy izy hoe, "Abrahama Ray, iraho hidina eto io Lazarosy mpangataka io miaraka amin'ny rano kely eo amin'ny rantsan-tanany, hapetraka eo amin'ny molotro. Mampijaly ireto lelafo ireto."

<sup>81</sup> Dia nilaza izy...ary hoy Abrahama hoe, "Izany dia, tsy afaka manao an'izany aho," tamin'ny teny maro. "Ary ankoatran'izany, hitanao, efa nanana ny fanararaotranao ianao teo amin'ny fainana."

<sup>82</sup> Oviana no nananany an'izany? Rehefa nilaza Jesosy hoe, "Manaraha Ahy." Saingy nolaviny izany. Nandeha nankany amin'ny lâlana izay nety hahazoana vola izy. Ary mety tsara izany, tsy misy ratsy amin'ny fahazoana vola, saingy manaraha an'i Jesosy raha eo am-panaovana an'izany ianareo. Hitanareo? Ary nandeha tany amin'ilay lâlana hafa izy, niaraka tamin'ny vahoaka betsaka.

<sup>83</sup> Ary mahita ianareo, nilaza izy, hoy i Abrahama hoe, "Ary ankoatran'izany, dia misy tevana iray natao eo anelanelanao sy izy, ka tsy nisy olona mba afaka niampita, ary tsy hisy mihitsy. Ireo izay eo dia tsy afaka ho tonga eto, ary ireo izay eto dia tsy afaka mandeha eo. Efa natao izany. Tsy nisy olona afaka niampita na hiampita."

<sup>84</sup> Avy eo dia henoy izy. Te-ho evanjelista iray izy tamin'izany. Ilay antso izay efa nomen'i Jesosy azy, mba—mba hanaraka Azy, dia, ary mba ho mpahazo fanahy iray, amin'ny maha-tovolahy

iray, niverina taminy indray. Tsaroany izany, fa nanana rahalahy dimy izy, ary tety an-tany, ka tsy tiany ho eo amin'io toerana io izy ireo.

<sup>85</sup> Hoy izy hoe, "Iraho Lazarosy, raha izany, hiverina hiteny amin'ireo rahalahiko mba tsy ho tonga aty." Amin'ny teny hafa, "Hanaiky an'ilay antso hoe, 'Manaraha Ahy.'" Hitanareo?

Saingy hoy izy hoe, "Izy ireo, tsy hanao an'izany izy ireo."

<sup>86</sup> Hoy izy hoe, "Eny, raha hisy anankiray hitsangana amin'ny maty, tahaka an'i Lazarosy, ka hiverina sy hiteny amin'izy ireo."

<sup>87</sup> Hitanareo, izany no maneho fa, aorian'ny ahafatesantsika, dia mbola mahatsiaro tena foana ianareo. Nahatsiaro izy. Hoy Abrahama hoe, "Anaka, tsarovy, tamin'ny andronao." Hitanareo? Mbola mahatsiaro foana ianareo. Tsy very tadidy ianareo. Mahatsiaro ianareo.

<sup>88</sup> Ary ireo fitadidiana izay azon'io lehilahy io nananana, ary mbola tao amin'ilay toerana iray ihany, dia ny nahatsiaro ny fanararaotra izay nananany tamin'ny fandrenesana an'i Jesosy nanao hoe, "Manaraha ahy." Saingy nanaraka an'ilay olona ratsy izy, ilay vahoaka betsaka ratsy. Niditra tao amin'ny vahoaka betsaka ratsy izy, ary nandeha tany amin'ny toerana ratsy, niafara tao amin'ny Mandrakizay ratsy; ringana tamin'io Andro io, niala tamin'Andriamanitra mandrakizay.

<sup>89</sup> Nilaza teny nanaitra lehibe iray koa Jesosy hoe, "Na dia misy anankiray hitsangana amin'ny maty aza ka hiverina, dia mbola tsy ho resy lahatra foana izy ireo. Satria, manana ny lalàn'i Mosesy izy ireo, ka raha tsy hihaino an'izany izy ireo, amin'izay fotoana izay dia tsy hihaino izy ireo na dia hisy anankiray hitsangana amin'ny maty aza. Tsy ho resy lahatra izy ireo."

<sup>90</sup> Nahoana? Nahoana? Nilaza zavatra tahaka an'izany ve ny lalàna? Eny. "Ataovy amin'ny hafa izay tianareo hataon'izy ireo aminareo." Ary niaina teo ambanin'ny lalàna izy. Saingy navelany ho faty teo amin'ny vavahady kosa ilay mpangataka. Hitanareo? Izy dia—niaina teo ambanin'ireo didin'Andriamanitra izy, kanefa dia diso tamin'ny fahitana an'io Fiainana Mandrakizay lehibe io.

<sup>91</sup> Rankizy, ianareo, ny tsirairay avy, dia toy ny ahy. Ianareo, ny tsirairay avy, dia toy ny zanakolahy sy zanakovavy mihitsy. Amin'ny lafiny iray, dia izany ianareo, hitanareo, amin'ny fiteny ara-panahy. Marina izany. Ny Tompo Andriamanitra dia—dia nametraka ny fanahinareo eo amin'ny fiahako, satria tonga ianareo, mihaino ahy. Mino ahy ianareo. Hitanareo? Ary amin'ny dikan-teny iray, dia zanakolahy sy zanakovavy ianareo. Marina izany.

<sup>92</sup> Tsarovy isan'andro, zavatra iray lehibe ny mitandrina an'ireo didin'Andriamanitra. Ny voataiza ao amin'ny tokantrano

tsara iray dia lova avy amin'Andriamanitra. Ary ny ho ankizy tsara miaraka amin'ny maha-olona tahaka ny anananareo, dia tsara. Mahafinaritra, ny manana fianarana iray. Mahafinaritra aza ny miaina ao amin'ity tany afaka ity. Manana zavatra maro ho hankasitrahana isika.

<sup>93</sup> Saingy misy zavatra iray izay tsy lovainareo mihitsy. Tsy maintsy ekenareeo Izany. Izany dia ny Fiainana Mandrakizay. Ary ianareo ireny ihany no hanao an'izany amin'ny fanarahana an'i Jesosy, amin'ny alàlan'ny fahatsapana iray an'ny fahaterahana indray. Aza atao tsirambina izany.

<sup>94</sup> Tantara kely iray izay henoko indray mandeha, ny amin'ny lehilahy iray izay, oh, nahantra izy. Ary izy—izy dia nila foana ny... Tantara angano kely ilay izy, mitovy. Niraikitra tamiko foana izany, na izany aza. Ary indray andro dia naka voninkazo iray izy. Ary majika ilay voninkazo, dia namaly azy ilay voninkazo, ka nanao hoe, "Efa nahantra ianao nandritry ny fiainanao rehetra." Hoy izy hoe, "Ankehitriny dia angataho izay tianao, fa homena anao izany."

<sup>95</sup> Hoy izy hoe, "Mba hisokatra io tendrombohitra ery io, ka afaka handeha hiditra ao aho ary hahita volamena ao amin'ilay tendrombohitra."

<sup>96</sup> "Eny," hoy izy, "tsy maintsy hitondra ahy miaraka aminao ianao na aiza na aiza alehanao. Hitanao? Tsy maintsy hitondra ahy miaraka aminao ianao. Noho izany, na aiza na aiza misy ahy, amin'izay fotoana izay dia afaka mangataka an'izay tianao ianao."

<sup>97</sup> Nandeha nankeny amin'ilay tendrombohitra izy, dia nisokatra ilay tendrombohitra, ary niditra izy. Feno volamena sy diamondra ny talantalana rehetra, arak'ilay tantara angano kely. Ilay voninkazo dia napetrany teo ambonin'ny—teo ambonin'ny latabatra iray na vatomampy iray. Dia nihazakazaka izy, norambasany ny vatosoa lehibe iray, ka hoy izy hoe, "Tsy maintsy handeha hampiseho an'ity amin'ireo sakaizako aho. Ary lehilahy manan-karena aho ankehitriny. Manana ny zavatra rehetra aho ankehitriny. Tsy maintsy hasehoko ity."

<sup>98</sup> Ary noho izany dia niteny ilay voninkazo hoe, "Saingy," hoy izy, "adinonao ilay zava-dehibe."

<sup>99</sup> Noho izany dia niverina nihazakazaka izy ary naka, nanao hoe, "Eny, angamba aho dia—haka silaka volamena iray aho. Haka silaka volafotsy iray aho." Ary noho izany dia hoy izy hoe, "Izaho dia—hivoaka haingana aho, mba hiteny amin'ny olona hoe manan-karena toy ny ahoana aho, sy izay rehetra azoko."

<sup>100</sup> Dia nandeha teo am-baravarana izy, ary hoy ilay voninkazo hoe, "Saingy adinonao ilay zava-dehibe."

<sup>101</sup> Noho izany dia nihazakazaka niverina indray izy. Hoy izy hoe, "Ato anatiny ato dia mahita ny karazam-pitaovana rehetra

isika.” Noho izany, dia naka vato iray izy. Hoy izy hoe, “Handeha aho, haka an’ity vato ity ka hasehoko ny olona hoe karazam-bato inona no nanaovana an’ity tendrombohitra ity, mba ahafahako mahita ny lèlako miverina eo aminy.” Hitanareo?

<sup>102</sup> Dia nanomboka nivoaka ny varavarana izy, ary niteny ilay voninkazo, ho an’ny . . . ny fotoany farany hoe, “Adinonao ilay zava-dehibe.”

“Oh,” hoy izy, “oh, mangìna.”

<sup>103</sup> Hitanareo, tsy te-handre an’izany intsony izy hoe, “Adino ilay zava-dehibe,” ary nihazakazaka nivoaka ny varavarana izy. Ary rehefa nivoaka izy, dia nikatona taoriany ilay varavarana, niaraka tamin’ilay voninkazo tao anatiny. Ny zava-dehibe dia ilay voninkazo. Hitanareo? Ny zava-dehibe dia ilay voninkazo.

<sup>104</sup> Taona maro lasa izao, raha mbola ankizy iray, tahaka anareo rehetra, teto, toeram-piomppiana eto ambony eto, ambonin’i Phoenix. Namaky singany iray aho, an’ny fikarohana, gazety iray mikasika ny mpikaroka iray. Tamin’izany fotoana izany, dia tsy nisy lèlana nanerana teto tamin’izany, lèlamb-pasika kely fotsiny. Mbola manao fikarohana betsaka foana izy ireo eto, fantatrareo.

<sup>105</sup> Fa tonga ity mpikaroka ity, ary nahita vola betsaka izy, sy nahita volamena betsaka. Ary teo amin’ny lèlany nody, dia nijanona tao amin’ny trano bongo iray izay hitany izy. Ary nanana alika iray izy niaraka taminy, ary, ilay-ilay alika, dia nifatotra tany ivelany. Ary tamin’io hariva io, dia efa nisy olon-dratsy iray nanaraka azy, mba haka an’ilay volamena. Tao amin’ireo toeram-pitrandrahana Espaniola tranainy no nakany an’izany, ary tonga niaraka tamin’izany izy. Dia nanomboka nivovo ilay alika.

<sup>106</sup> Ary tsy te-ho voaelingelin’io alika io ilay lehilahy. Hoy izy hoe, “Mangìna.” Hoy izy hoe, “Rahampitso, dia ho entiko ity, ao—ao an-tanàna.” Fa izaho dia . . . Ary ireo anatr’ilay tantara dia ity. “Ary handanja an’izany aho, dia ho lehilahy manan-karena iray. Koa hividy fiara lehibe aho. Ary hahazo an’ireo karazam-behivavy rehetra sy ireo fety goavana aho. Ary ho lehilahy iray manan-karena aho, satria efa hitako ilay lèlambolamena. Manana ny volamena aho eto, betsaka amin’izany.” Dia hoy izy, “Izaho dia . . .”

<sup>107</sup> Ary raha niezaka ny handeha hatory izy, dia nitohy nivovo ilay alika, satria nahita an’ilay olon-dratsy tonga ilay alika, nijaikojaiko, niandry an’ilay mpikaroka handeha hatory.

<sup>108</sup> Nitsangana indray izy, ary niantsoantso tamin’ilay alika indray, nanao hoe, “Mangìna.” Dia nitaraindraina ilay alika mahanttra ka niezaka ny hampitandrina ny tompony fa ilay loza dia mamitsaka—mamitsaka. Ary rehefa izy . . .

<sup>109</sup> Ny fotoana manaraka, rehefa nanomboka nivovo ilay alika, dia nanana basy iray ilay mpikaroka. Tsy te-ho voaelingelina izy, noho izany dia nitsangana fotsiny izy ary nitifitra an'ilay alika. Dia maty tamin'io hariva io ilay mpikaroka, noho ilay olon-dratsy. Tsy nahavita soa taminy ireonofiny tafahoatra. Nahoana? Nampangina an'ilay feo izay nampitandrina azy izy.

<sup>110</sup> Tsy misy olona afaka hiezaka hanao zavatra iray, ianareo ankizy, tsy ho afaka hanao zavatra ratsy mihitsy, rehefa avy notezaina tamin'ny fomba maha-izy anareo, ka tsy hahatsapa zavatra iray hiteny aminareo tsy hanao an'izany. Ankehitriny, aza mampangina an'io feo izay mampitandrina anareo io mihitsy.

<sup>111</sup> Ary tsarovy foana, ekeo io Feo io izay nanao hoe, "Manaraha Ahy," dia ho tafavoaka tsara ianareo. Mino aho fa hanao ianareo. Manana fahatokiana anareo aho. Saingy tsarovy foana fotsiny fa Jesosy, io Feo io, dia velona eto an-tany izao hariva izao.

<sup>112</sup> Mitovy mihitsy, tahaka ny feo rehetra sy teny rehetra izay tenenintsika dia mbola velona foana, rehefa mivoaka ao amin'io onjan'ether-n'ny rivotra io feo io. Ny... Hitanareo, manana mpampita iray ianareo eto izay mandefa an'izany. Ianareo no mpampita izay mandefa an'izany. Ankehitriny dia mila toeram-piantsonana iray izany haka azy.

<sup>113</sup> Ary Jesosy no Mpampita ny Tenin'Andriamanitra, satria Izy no—no triniten'Andriamanitra voaseho ao anatin'ny Olona iray. Andriamanitra feno Izy ary Olona feno.

<sup>114</sup> Ary ny triniten'Andriamanitra, ny triniten'ny toetran'Andriamanitra, amin'ny maha-Ray, Zanaka, ary Fanahy Masina, dia voaseho ao amin'io Olona iray io, Jesosy Kristy. Noho izany, eo, dia Izy no Teny.

<sup>115</sup> Ary Izy no Mpampita izay nanao hoe, "Izay mandre Ny Teniko, ka mino Izay naniraka Ahy, no manana Fiainana Mandrakizay." Hitanareo? "Lazaiko aminareo marina tokoa, izay mandre Ny Teniko, ka mino Izay naniraka Ahy, no manana Fiainana Mandrakizay." Ankehitriny, io Teny io dia mivoaka avy amin'ny Mpampita iray. Nilaza Izy, indray andro hoe, "Lazaiko aminareo marina tokoa, raha milaza amin'io tendrombohitra io ianareo hoe, 'Mifindrà,' ka tsy misalasala ao am-ponareo, fa mino hoe hiseho izay nolazainareo, dia afaka mahazo an'izay nolazainareo ianareo."

<sup>116</sup> Ankehitriny, raha afaka ny ho toeram-piantsonana fotsiny ianareo haka an'Izany, amin'ny alàlan'ny mpifehy iray ao anatinareo, amin'ny alàlan'ny finoana, dia hampiditra anareo avy hatrany ao amin'ilay fotoan'Andriamanitra izany, ho amin'ny Fahateraham-baovao, ary hateraka indray. Avy eo dia ho ao amin'ny fifandraisana foana ianareo, mba handre an'io Feo io izay hampitandrina anareo foana rehefa manatona ny loza. Rehefa ratsy ireo zavatra, lasa ratsy, dia ho fampitandremana

iray ho anareo foana Izany. Ary avy eo, raha ho tokony hitovy amin'io tovolahy manan-karena izay resahantsika io ianareo indray andro any; dia aoka ho lehilahy iray tahaka an'ny apostoly Petera, Paoly, na olona iray izay nahazo fanahy ho an'i Jesosy Kristy. Ataovy izany, rankizy.

Afaka mivavaka ve isika?

<sup>117</sup> Tompo Jesosy! Tanora, lehilahy sy vehivavy ho an'ny ampitso, raha misy ampitso iray. Tsy maintsy manofana azy ireo izahay, Tompo. Tsapanay ilay enta-mavesatra, ny hanofana azy ireo toy ny hoe hisy ampitso iray. Raha tsy misy izany, amin'izay fotoana izay dia androany no andro.

<sup>118</sup> Ary noho izany, Ray, dia fantatray fa tsy misy anankiray ekena ao amin'ny Fahitanao. Tsy misy nofo afaka hoderaina. Tsy misy fianarana, na dia mety ho tsara aza ireo zavatra ireo, tsy misy asa tsara, tsy misy toeram-pivavahana, tsy misy fahaizana momba ny saina, tsy misy na inona na inona afaka hanamarina an'Andriamanitra afa-tsy ny Fanahy Masina. Izy no Fitaovana, Andriamanitra Izy tenany, ao amin'ny endrika Fiainana Mandrakizay, izay afaka ho tonga eo aminay amin'ny isam-batan'olona. Ary mankasitraka izahay ny amin'izany.

<sup>119</sup> Voaseho marina tokoa rehefa nanao an'ilay filazana i Petera. Hoy Jesosy taminy hoe, "Tsy ny nofo aman-drà no nanambara an'izany taminao. Tsy nianatra an'izany tany amin'ny seminera iray mihitsy ianao. Tsy nianatra an'izany tany amin'ny sekoly iray mihitsy ianao." Zavatra iray an'olon-tokana izany, zavatra izay tsy maintsy raisin'ny isam-batan'olona tsirairay. Hoy Ianao hoe, "Eo ambonin'ity vatomampy ity no Hanorenako ny Fiagonako, ary ny vavahadin'ny helo tsy afaka haharesy azy." Mankasitraka izahay ny amin'izany, Tompo.

<sup>120</sup> Mbola velona foana izany Feo izany izao hariva izao. Ary mbola misy foana ireo toerana, ireo toerana mpamoaka, ireo toeram-pihainoana, ireo toeram-piantsonana mandray, an'ny finoana, izay afaka manaiky an'Izany. Mivavaka izahay mba handray an'Izany ny tsirairay avy amin'ireto ankizy ireto, Tompo, ao am-pony. Ary hahatsiaro fa, tsy izay ataon'izy ireo mba ho tsara, fa izy ireo... Tsy mitsara anay amin'izay ataonay Andriamanitra, fa amin'izay nekenay. Izahay dia voavonjy tamin'ny alàlan'ny finoanay, fa tsy tao amin'ireo asanay. Noho izany dia mivavaka izahay, Ray any Andanitra, mba hahazoan'izy ireo an'ilay fahitana ankehitriny, ka hahita sy hihaino an'io fanasana Mandrakizay io, hoe "Avia, manaraha Ahy."

<sup>121</sup> Enga anie ny tsirairay avy amin'izy ireo, Tompo, hihodina hiala amin'ny zavatra rehetra an'izao tontolo izao, ity fiainana mety maty, tsy misy ilaina azy ity. Satria eto izy ireo izao hariva izao, sy ireo volony mivolom-bolamena, ary ny sasany amin'izy ireo miaraka amin'ny volony mainty, sy maso mainty, sy maso

manga, ary mipetraka ao amin'ny tsarany indrindra izay hany haha-izy azy ireo.

<sup>122</sup> Ary tahaka ny nolazain'ilay mpanoratra malaza hoe, "Tsarovy ny Mpao anao amin'ny andron'ny hatanoranao, raha mbola tsy tonga manakaiky ireo andro ratsy. Amin'izay fotoana izay dia tsy hifaly ao amin'izy ireo ianareo." Ahoana, Tompo Jesosy, fa hoy Ianao tamin'i Petera hoe, "Fony tanora ianao, dia nitsangana ary nandeha tany amin'izay tianao. Fa rehefa miha-antitra ianao, dia olona iray no hitondra anao any amin'izay tsy ho tianao haleha." Aoka izy ireo hahatsiaro hoe, "Ankehitriny no andro. Izao no fotoana." Ekeo izany, Ray.

<sup>123</sup> Mitaky ny tsirairay avy amin'izy ireo aho, ho an'ny zanako manokana, eto izao hariva izao, ho an'ny ankizy rehetra ato. Tsapako fa Ianao no nametraka an'izany teto an-tànakô, mba hiambina azy ireo. Mitaky azy rehetra aho, avy amin'i Satana sy ny fahafatesana, ho amin'ny Fiainana ao amin'i Jesosy Kristy. Amena.

<sup>124</sup> Ho tahiana ianareo, rankizy. Tena nahafinaritra ny nilaza teny vitsy ho anareo. Ary hiverina aho, Billy. Ankizy mahafinaritra, mankasitraka anareo aho. Rahalahy Fred, ny Tompo hitahy anao. Ny Tompo hitahy anao, ranabavy. 

*AVIA, MANARAH AHY* MAG63-0601  
(Come, Follow Me)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy hariva, 1 Jona 1963, tao amin'ny House Meeting ao Tucson, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)